



# БухкІуллий бур Рамазан барз

● БухкІуллий бур дуняллийцирив бусурманнан яла ххирамур барз – Рамазан барз. Бусурман аьлимтурал баян бунни му байбишинтІишиву март зурул 23-нний, Зумаритавал байрангу апрель зурул 21-ннийн дагылагышиву.

6  
лаж.



# ЧАРШИ

№10  
(2176)

17 МАРТ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкІсса 1917 ш.  
Цунил итабакьлан бивкІсса 1991ш.

## «ДагАгроКаспий» ярмукІа-ккаккия



2 лаж.

Мартрал 15-16-нний Каспийскалий Аьли Аьлиевлул цІанийсса Спортрал кьатраву хьунни шалагу Аьрасатнал лагрулийсса шярваллил хозяйствалул ярмукІа-ккаккия «ДагАгроКаспий».

Кулал райондалул администрациялий хьунни хасьсса аьр-лий операциялия кутІасса чІумуй бигьалаган бивкІсса аьр-литуралсса хьунабакьаву. Ми ия шама: МахІаммад Даххаев (Ккулату), МахІаммад Кусаев, Исмяил Тахакьаев (Хьусрашату).

## Вай талай буссар жухлувагу, цахлувагу



Аминат АХІМАДОВА

МахІаммад Кусаев зана хьуссар цІубутІуйва, шаву дирну.  
МахІаммад Даххаев зана хьуну ур февраль зуруй, контузия хьуну.

Аьралуннаву кьуллугь буну махь МахІаммад лавгун ур Буйнакскалийсса Аьрасатнал виваллил гужирдал кьирийхсса бахь-

➔ Ахир 14 лаж.

Ларгсса бигьалагай кьини МахІачкьала шагьрулул 8-мур школалул ттуплий буккай майданнив тІивтІунни Сиражуттин Илиясовлул завалунсса чІиви футболданул мьялчинсса «Лакку улклул Кубок». Турнир дайдишин хьхьичІ хьунни Аьрасатнал Виричу НурмахІаммад ХІажимахІаммадовлул аьпалунсса «Суперкубок». Муний ччалли дурккунни «Лакку улклул Кубок – 2022» турнирданий ххув хьусса Хьусрашиял ва «Лакку улклул Лига – 2022» турнирданий ххув хьусса Хьутрал командартту. 6:3 ссчеташал «Суперкубок» бувххунни Хьусрашиял командалул.

Зулайхат ТАХАКЬАЕВА

Муния махь хьунни 2023 шиналсса «Лакку улклул Кубок» тІитІлатІисса шадлугь.

## Лакку улклул Кубок



Муний гьуртту хьунни Халкьуннал Мажлисрал депутат Марат Илиясов, МахІачкьала шагьрулул депутатгьтурал собраниялул хьунама Марис Илиясов, ДР-лул аьршарал ва хьуслил министрнал хьиривчу Эмил Тгатаев, ДР-лул ХІукуматрал вакилтал, жяматийсса ишккакулт.

Командарттан тІайлабацІу чІа увкунни Марат Илиясовлул.

Гьашинусса Кубокрай гьуртту хьанай дур Лакрал, Ккулал, Цуссалакрал, Рутуллал ва Ахьушиял районнаясса, лакрал 43 шяравасса, 36 команда.

Тамашалийн бивкІми кІицІ лаглай бур цалчинсса турнирдания шийнай цалнияр цал гьуртту хьанай душиву Лакку улклул кубокрал сий, сакиншиндарал даража ва гьуртту хьанахьиминнал устаршиву.

## Закондалул ялттугу ХХЯВХХУН, ТТИНИН МахIачкъалалив бувну бур 408 къатта

Дагъусттан тIурча, аьрши сукку шаврил чулуха хIисав хъанахъиссар нигъачIаву дусса региондалун.



Мартрал 13-ний Дагъусттаннал БакIчи Сергей Меликовул дунни региондалул агъамсса масъаларттал хIакъиравусса батIаву. Ххал бигълай бия строительствалул масъалартту. Миннубух бия МахIачкъалалив дуллалисса чIарузивурду дусса къатри цакъну дацIуну дикIан аьркиншивруцIун бавхIусса масъала, мукунма социал объекту баврил ва миннул капитал ремонт даврил масъалартту.

Дагъусттаннай ччанияцIавасса захIматсса масъалалун ккаллину бур чIявуквартирарду бусса къатри закондалуцIун дакъаркъуну дуллалаву.

Региондалул каялувчинал тIимунийну, гъашину мартрал 6-нийнин контрольдандул органнал МахIачкъалалив ашка-ра бувну бур строительствалул законну лиян дурну дурсса чIарузивурду дусса 400-нниха лирчусса къатри.

– Мукунсса къатрихъичIрагу ашкара дурну диркIссар. Ялун

личин бувну бивкIссар федерал автоном идарарттал 457 къатта, миннул хIакъираву багъайсса хIукмурдугу къамул бувну бивкIссар: цаппара къатри даххантай бур, лирчIми тIурча, лекъан дан ккаккан бувну бур. Судрал хIукму хъуну бивкIссар буллай бачIисса ца къаттагу бацIан буван. Амма му хъхъувайгу буллайна бивкIун бур. Чуври жаваблусса надзорданул къуллугъру? ЖучIава 2021 шинал сентябрьдания шийнмай зий буссар строительствалул давуртта-

ву хъанахъисса диялдакъаши-вурттал хъхъичIалу къукъаван дузал бусса группа. Му группавух гуртгуну буссар ихтиярду дуруччай органнал зузалтгу. Жяматран кIулну дикIан аьркинссар миннал дуллалимунил хIасиллу. Му тагъарданул жаваб дулун аьркинссар закондалуцIун дакъаркъуну къатри дуван бивтесса циняв структурардал идарарттал, – кунни Сергей Меликовул.

Региондалул хъунаманал тIимунийну, республикалул хъуншагърулий хIакъину чIарусса къатри дуллай бур цайнура цалла (самострой). Къатри дуллалийни миннал дуруччай бакъар мюхчаншиврул тIалавшиннарду. Дагъусттанни аьрши сукку шаврил чулуха нигъачIаву дусса региондалун ккалли хъанахъиссар.

Республикалул премьер-министр Абдулмуслим Абдулмуслимовул бусаврийну, МахIачкъалалив бур закондалуцIун бакъавкъуну бусса 408 къатта. Ми циняв къатрал хIакъираву чирчуну дур заключенияртту ва дулуну дур муниципалитетирттал администрациярттахъхъун.

Ххал бигълагъисса масъалалул хIакъираву махъ лавхъуни МахIачкъалалив мэрнал буржу бартбигълагъисса Ризван ГъазимахIаммадовул.

Дагъусттаннал строительствалул министр Артур Сулаймановул бувсунни республика гуртту хъанай душиву «МарцIсса шин» тIисса коммунал инфраструктуралул модернизациялул федерал программалувух ва мунил лагрулий дантIисса давурттал хIакъираву. Бувсунни мукунма «Ухсавнил Къавказуллал федерал округрал лябукку» тIисса паччахIлугърал программалул лагрулий дувантIисса давурттал хIакъираву.

Дагъусттаннал БакIчинал бувсунни аьркинну бушиву биттур буван бакIрайн лавсмур. БатIаврий ххал бивгъунни цаймигу масъалартту.

**ХIадур бувссар  
ХI.АБДИЛОВ**

ков военных конфликтов и их семей» тIисса цуну тIивтIусса идаралул каялувчи МахIаммад Рашидов.

Социал кумагру баврил управлениялул хъунама МахIаммадкадил ХIасановул кIицI лавгунни социал контрактдайну бусса кумагирттал хIакъиравусса отчетру балжини ва чIун-чIумуй дуллай бакъашиву. Ванал мукунма бувсунни СВО-луну гуртту хъанахъиминнал кулпатиртансса хасъсса социал паспортру хIасул баврил масъаларттая, бувчIин бунни ми паспортру хIасул баврихун цукунчIавсса дахшишру дикIан къабучIишиву.

– Цинявпагу идарарттай аьралитурал кулпатиртталшассса даву гъарца кьини дуллай бикIан аьркинссару. Социал паспортирттай ккаккан бусса кулпатирттал ахIвалдану хъунабакълакьисса цинявпагу масъалартту аякъалийн лавсун, дузал хъунцIакул хъирив бавцIуну бикIан аьркинссару, – кунни министрнал.

Мукунма цала биялдарайсса идарарттал каялувчитурайн тапшур бунни контрактру чичининсса хIадуршиннарду шаллу даву.

## «ДагАгроКаспий» ярмукIа-ккаккия



→ Дайдихъу 1 лаж.

### ХI.АБДИЛОВ

Кьини марч бусса, дяркъусса дунугу, тамансса халкъ бия бувкIун. АцIунниха лирчусса арнил районнал сурсатру дия ккаккангу, даххангу дирхъуну.

Рурцуну дия зюннав-дацIу, тIий бия балайрду, тамашалий бия инсантал.

Тамур чулий дацIан дурну дия шяраваллил хозяйствалуву аьркин дайсса техника. Ми ккаккиялун дирхъуну дия Аьрасатнал сайки 100 региондалисса компаниярттал. Микку дия, ттизаманнул хIаллихшинная тIайла хъуну, шяраваллил хозяйствалул техникалийн дияннинсса затру. Ми ласласисса хозяйстварттугу чансса дакъая.

Му агъамсса мажлисрай махъ лавхъуна Дагъусттаннал премьер-министр Абдулмуслим Абдулмуслимовул. Ванал форумрайн бавтIминнахъ аьлтту бувуна ДР-лул БакIчи Сергей Меликовул цIаниятусса ссаламарал махъру.

– Жу хъуннасса мяъна дахIлай буру «ДагАгроКаспий» форумрацIун ва умуд бур муния хъунмасса кумаг хъуншиврий, шалагу агропромышленностьрал комплексралгу лябуккулун, – кунни премьер-министрнал.

Абдулмуслим Абдулмуслимовул ххал дурунни ккаккиялун дирхъусса техника, хаснура Минскалал заводрал тракторду. ХIурмат лавайсса хъамаллурал ххал диргъунни «Ветсервис» ООО агродрон ва «Глобалдрон» компаниярттал майдану. Миннал выставкалийн ларсун дия шяраваллил хозяйствалул дронну. Миннух бугъайссар гъанна, дичайссар оьргъашивуртту, дачин дайссар зиянчитурашалсса талатаву.

Яла шяраваллил хозяйствалуву цаппара хъхъичIунну зузминнан дуллуна наградартту.

Шяраваллил хозяйствалуву ишла дайсса цIусса технологиартту ва техникартту ккаккиялун дирхъуну дия Аьрасатнал СКФО-лул ва ЮФО-лул субъектирттал чIявусса гурттучитурал. Миннубух бия Краснодардал, Ставрополлал, Новосибирскалал, Къиримнал Республикалул, Волгоградулал, Белгородулал, Ростовулал ва цаймигу улкрал вакилтал. Миннал кIул бунни цацIара ишла дуллалисса шяраваллил хозяйствалул цIушиннардаштал, цIусса техникалушал.

ЯрмукIа-ккаккиялул лагрулий хъунтIий бур мукунма ахъулсса, ахънилсса ва къюмайIутIи бугъаврил хIакъиравусса конференциягу.

## ХъхъичI ххуттай дузал бансса мурадру

Март зурул 13-ний ДР-лул ЗахIматрал министрствалий Муррад Казиевлул каялувшиндарай хъунни 184 идаралул каялувчинашалсса видеоконференция.



**Имара САИДОВА**

Шикку ххал бивгъусса агъамсса масъаларттавух бия, цила чIумуй ва мюнпат буну бюджетрал арцу ишла дурну, «Социал контрактру» даврихсса, СВО-

рай жанну дуллуминнал кулпатиртансса социал кумагру баврил хIакъиравусса контрактру чичаврин хас бусса.

Совещаниялул даву дайдахIлай, Муррад Казиевлул коллективраштал кIул унни «Центр социальной поддержки участни-

## Дарбантлив цIусса спорткомплекс

Мартрал 12-ний Дагъусттаннал ХIукуматрал председатель Абдулмуслим Абдулмуслимовул ххал бивгъунни Дарбантлив буллалисса физкультуралул ва цIуллушиву цIакъ даврил комплекс.

Циняв журадл тIуркIурдал залгу бусса цIусса спорткомплекс буллай бур «Демография» национал проектрал лагрулий. Ва проект духлахиссар «Спорт-оьрмулул нормар» тIисса федерал проектравун.

Объект буван федерал ва республикалул бюджетирттавату личIи дурну диркIссар 203 млн къурушру.

Республикалул премьер-министрнал ххал бивгъунни шалва комплексравусса спортрал ва тренажердал залу.

«Стройинвест» ООО-лул подрядрал идаралул вакилнал бусаврийну, объектрайсса циярда давуртту бакIуйн дуккан

дурну дур. Комплекс гъашину тIитIинтIий бур.

Абдулмуслим Абдулмуслимовул хъин чулийсса къимат бивсунни дурсса давурттан. Мунал бувсунни му объектрал хъуннасса мяъна душиву Дарбантуллан. Ца чIумух миккун бучIан бюхълай бур 50-ннаха ливчусса инсантураша.

Премьер-министрнал архIал миккун бувкIун бия ДР-лул ХIукуматрал председателналь хъиривчу Муслим Теляканов, ДР-лул физкультуралул ва спортрал министр Саждидов, Дарбантулал бакIчинал хъиривчу ХIажиамин Рамалданов ва цаймигу.

Лакрал райондалия

## Шяравучу-аьраличу лахъа-хъунну хъунаавкъунни

Вай гъантрай Ххюлуссун-Внал шяраваллил жьаматрал лахъа-хъунну хъунаавкъунни хасъсса аьралий операция нанисса кIанттурдая ца-кIива гъантлий отпускалий итаавкъусса Акаев ХIажимурад.

А. АБДУЛЛАЕВА

Шяраваллил бакIчи ХIажимурад Акаев хъхьичIну ва хъунаакьин бувкун бия аьраличунал гъан-маччами, дустал, школалул дуклаки оьрчIру ва учительтал. Бувкун бия шагъурдаясса валла-ма шархъаясса хъамалгу.

Оьрмулул 42 шинавусса ХIажимурад Акаев жула билаятрай мобилизация баян бувсса чIумал хушрай лавгссар аьралий операциялуву гьуртту хъун. Лакрал ва Ккуллал районная хъхьичIва-хъхьичI мобилизациялул бувминнавух вагу ивкIссар. Аьралуннавун хIадур увну махъ ХIажимурад Запорожулла областърайн тIайла увкун ур. Цанагу, хъхьичI ххуттай авцIуну, тикку къуллугъ буллай ур.

Мажлис хъуна Буттал КIанттул цIанийсса Хъунмасса дьавилий ливтIуминнал гъайкалданучIа. Мероприятие тIиртIуна Гъарун Къунжуевул. Хъирих ититал бувна шяраваллил бакIчи ХIажимурад Акаевул. Ванал барчаллагъ увкуна цалла куннасса ца-бакI дусса къучагънахъ, лайкьну къуллугъ буллай тIий, билаятрайн захIматсса кьини дурксса чIумал, мунил мурадру буруччин лавгун тIий. Ча увкунни цIуллу-сагъну, ххувшавришал зана шаву.



Митинграй ихтилатру бувна ялагу: Абдулхамид Аьлишаевул, МахIаммад-Ражав Абачаревул, Маликаздар МихIадовул, Жамилат Къунжуевул, Лаюса Исиевал, жула чемпион Ислам МахIачевул буттал Рамазанул ва м.ц.

– Жула билаятрайгу, халкъунналгу мурадру буручлай, зула оьрмулунгу, цIуллу-сагъшиврунгу нигъачIисса тагъараний лайкьну къуллугъ буллай буссару зу. Зул хIурмат жучIа хъунмассар. Жун пахру буссар виятугу, ина кун-

ма аьралий операциялуву гьуртту хъанахъисса вил уссия Загъиди Акаевлуягу, вил ссурахъал Сабир ва Заур ХIусаниевхъаягу, вил гъанчу Шамил ва АхIмад Аьлишаевхъаягу. Аьралий операциялуву ина ккаккан дунни вила чувшиву, къянкъашиву, – увкунни ихтилатгитурал ХIажимурадлухъ.

Цала чулуха ваналгу барчаллагъ увкунни царнил жьаматрахъ аьралигурах дуллалисса къулагъ-асрахлу ва аькълухлу. Бувсунни цала къуллугърая, жула аьралигу-рал къучагъшиврия.

– Циянвпагу та операциялуву гьуртту хъанахъиминнан гъарица кьини асар хъанан бикIай зул жуятувасса буруккин, зул дакI цIуцIаву, аякъа. Буттал къатлуя архсса чIумал хъуннасса ххаришиву дикIай, зу чIарав бушиву асар хъанахъийни. Яла-яла асар шай дакIнийхтуну чивчусса дуклаки оьрчIал чагъарду, – увкунни ХIажимурадлул. Ванал бувсунни цIу бутIуй бигъану къабивкIшиву, амма дагъусттанлувтурал цала чувшиву ва иширавугу ккаккан дуршиву ва дуллай бушиву.

Гихуннайсса мероприятие шяраваллил культуралул къатлуву хъунни. Шиккугу ца-кIива гъантлува махъунай, цува ивкIсса кIанттайн, гъантIисса ХIажимурадлухъ ххуллухъин тIисса ихтилатру хъунни.

Аьралий операциялуву гьуртту хъанахъиминнан хас бувсса шеърирду ва цала чивчусса «СаллатIначансса чагъарду» бувкунни дуклаки оьрчIал. Аьралийту-рахъхъун була куну, вайннал буллунни ХIажимурадлухъхъун ми чагъарду.

Ккуллал райондалия

## «Жагъилминнал дуллусса жанныя гъалгъа тIун захIматри»



Аьралигунал аьпа абад буллалисса батIаврий гьурттушинна дунни райондалул администрациялул бакIчи Шамил Рамазановул, Лакрал ва Ккуллал райондалул военкомнал буржру шаллу буллалисса Шималин Вагъабовул, райондалул идарарттал зузалтрал, гъан-маччанал, дуклаки оьрчIал.

– Вайннал къамул бувссар виртIаврал бивкIу, ккаккан дурссар ялун нанисса никиран патриотшиврул ва къучагъшиврул эьрат, лайкьну биттур бувссар инсаннал ва аьраличунал бурж, – увкуна майор Шамхал Хизриевул.

БатIаврий дуклаки оьрчIал дуркуна аьралигунал хас дурсса назмурду ва декламацияртту. Махъру лавхъуна аьралигунал гъан-маччанал ва цайминнал.

Ккуллал райондалий мартрал 10-ний Украиннайсса хасъсса аьралий операциялуву ва Сирияну жанну дуллусса шама аьраличунал аьпа абад бунни. Аьпалул ултти цIакъ дунни Ккуллал 2-мур школалул чIирай. Аьралитал цивпагу дуклай бивкIун бур ва школалий. Вай шамунналагу – Чаннанов МахIмуд Маликул арсенал, Атаев Заурбек Аьлиллул арсенал, Магъдиев Мурад Халидлул арсенал, ватандалул цайва бивхъусса бурж биттур буллай, жанну дуллуссар.

– Ттул арс хьинну цаятурасса жаваблувшиву хъуннасса, дакI хъинсса, цума-цанналгу чIарав ацIайсса ия. Ванал дуняллийсса паракъатшиврулу ва дакъаврихлу жан дуллуссар. Ванаша цамур ккущуйсса бивкIу къамул бангу къахъунтIиссия. Ва талай уссия Сирия террористътураща мурахас буллалисса иширттаву ва Украиннавусса хасъсса аьралий операциялий. На ваная пахрулий

ура, – увкуна Заурбек Атаевул буттал Амучил. Заурбек Атаевул жан дуллуссар Сириянал агъали террористътурая мурахас буллалисса операциялуву.

МахIмуд Чаннанов – ванан дуррагу 21 шин диркIун дур. Жагъил дахъа армиялиягу увкIун, контракт чирчуну, лавгун ур ДНР ва ЛНР неонацистътурая тархъан буван. Жан дуллуну дур мартрал 8-ний 2022 шинал. Мурад Магъдиев къуллугъ

буллай ивкIун ур Хъхьирил пехоталул 49-мур бригадалулу. Декабрь зуруй 2022 шинал гьуртту хъуну ур СВО-раву. Январданул 25-ний 2023 шинал жан дуллуну дур.

Хъирих махъ лавхъуна райондалул администрациялул бакIчи Шамил Рамазановул:

– Гъарцагу чIумул цила виртIал бивкIайссар. Виричувиву тIурча, гъар чIумалгу диркIссар бюхттулшиврий. Жула аьралигунал дурсса къучагъшиврулгу вай гъаз бувссар лавайсса рувхIанийсса сачIанттайн, инсаншиврул бутIа ххину-ххишалану бивкIун тIий вайннаву. Жунмарив аьпалуя гъалгъа тIун захIматри, жагъилминналмуния хьиннува. Вайннал дурсса тIул – мийжаннугусса арамунал дайсса тIуллу. Вай па-

триотшиврул ва цIакъшиврул абадлийсса эьратруну личIантIиссар. ХIакьину жула виртIаврал аьпалул ултти лархъсар мува кушуй виричуну жан дуллусса ХIамзат Дахъаевул цIанийсса школалул чIирайингу. КIулли вай аьралигунал ниттихъал дардирдал дазу дакъашиву. Цукунсса мукъурттиий вайннал дакIру паракъат дан шийсса? Жу зул хъхьичI никру ришлалиссару, – увкуна райондалул бакIчинал.

Аьпалул ултти лархъсса школалул чIирацI дирхъуна тIутIив. Ккуллал райондалул имам Му-хIаммад-Маннар БариевуцIун бавтIириннал дуаьгу дурну, пахъ багъуна ца минутIрайсса.

ХIадур бувссар  
Аминат АХИМАДОВАЛ

Вай гъантрай лакрал миллат Цуссалакрак райондалий бизан баврил ва Аухуллал район цу дукан даврил масъалартталсса буллалисса ДР-лук Хукуматрал Управлениялук, «Новострой» дирекциялук вакилтурал ва цаймигу пишакартурал ххал диргъунни кӀулшивуртту дулаврил идарттук баврил давуртту ссайн дирну дурив.

ДакӀнийн бутанну Цуминалийсса Цуссалакрак райондалийсса Ахъардал, ТӀюхчардал, Цуссалакрак ва Цуссаккуллал шяраваллаву буллаи бивкӀшиву оьрчӀансса багъру. Муьрагу шяраву бувсса садикру бур 620 оьрчӀансса кӀану бусса.

Ми объектирдал ялтту букан бивкӀсса делегациялук ххал бивгъунни садикиртал пишеблукру, актовий ва музыкалул заллу, оьрчӀру шансса кьатри, санузеллу, беседкартту ва тӀуркӀу бансса

## Цуссалакрак райондалия Цал архӀал тӀитӀинтӀий бур мукьва садик



кӀанттурду.

Цуну тӀивтӀусса оьрчӀал багъру бикӀантӀиссар ттизаман-

нул оборудованиялул ва кьулайсса шартӀирдал дузал був-

## Агъамсса проектру

Цуссалакрак райондалийсса ТӀюхчардал шяраваллил администрациялул бакӀчи Башир Алхулаевлул, шяраваллил жяматрасал хьунаавкъуну, ххал бивгъунни ДР-лук муниципал дуккавил кӀанттул сиптардал конкурсирттаву гьуртту хьуну, ми иширайну зузи бансса субсидияртту ласунсса проектирдавух хӀала бухаврил масъалартту.

Жяматийсса контрольданул группалул председатель Оьмар Апанниевлул кӀицӀ лавгунни жяматрал чулухасса ялацӀорувкъуми масъалартту Цуминалийсса ТӀюхчардал шяраву оьрчӀансса площадкалул, паркрал зоналул, оьрчӀансса футболданул авлахра-рал строительстварду шаллу даврилсса бушиву.

Башир Алхулаевлул бувсунни Цуминалийсса Цуссалакрак райондалул шархъаву проектрал лагрулий дурсса мюнпатсса



давурттая. БувчӀин бунни жяматрахъ хьуннасса ихтияр душиву кӀанттул сиптардал конкурсраву гьуртту хьунсса агъамсса проек-

тру язи дугъансса.

ТӀюхчардал жяматрал, маслихат кьавккун, язи дургъунни «Местные инициативы» паччахӀлугьрал программалул лагрулий дансса оьрчӀансса майдандалул ва паркрал зоналул строительстварду. Мукума сакин бунни паччахӀлугьрал программа иширайну зузи даву мурадрайсса мероприятияртту дачин дан кумагру булансса сиптачитурал группа. Ва группалийн тапшур бунни конкурсраву гьуртту хьунсса проект хӀадурдан ва чӀарав бацӀансса, арцуйнуса ка-кумаг бансса ишбажаранчитурал ва укунмасса инсантурал чулухасса гарантия дуллалисса чагъарду ласаву.

## Чивисса оьрчӀал хьунисса хӀисавртту

Вай гъантрай Цуссалакрак райондалийсса ТӀюхчардал школалул 4-мур классрал дуклаки оьрчӀи Кемаль Темирсултановлул 3-мур кӀану бивгъунни Щалагу Аьрасатнал УСМАС менталь арифметикалул соревнованиярттай.

Арифметикалул бьаст-ччаллаву дуклаки оьрчӀан дакӀних дан ккаккан дурну дия 200-ннийн дирсса личӀи-личӀисса журалул хӀисавртту. Компьютердал даражалий бакӀраву математика дуллалисса Кемаллуша бивгъунни куртӀисса кӀулшивуртту ккаккан дан.

Шиккува кӀицӀ лаган, «USMAS» тӀисса менталь арифметикалул хасъсса программалий дуклаки оьрчӀал биъану лахъ-



лай бур чил билаятирттал мазру, лахъсса бур вайннал дуккавил даражагу, му бакъассагу, секундирттал муттали й дакӀних дул-

лай бур чӀярусса числорду дусса ва цаймигу захӀматсса даражалул хӀисавртту.

**ХӀадур бувссар  
Имара САИДОВАЛ**

### Бадрижамал АБЛИЕВА

Ва сакин дурну дия Республикалул Културалул министрствалул ва Республикалул Халкъуннал творчествовалул кьатлул, Аьрасатнал Федерациялул ЮНЕСКОлул иширтталсса бувайсса Комиссиялул Дагъусттанналмур отделени-ялул кьаматериалсса културалул ирсирал Комитетрал ва муниципал сакиншиннал гьурттушиврийну.

Ва кьини сахӀналийн бувккуна республикалул районнаясса ва шагърудаясса творчествовалул коллективу, жулва халкъуннал багъу-бизу, аьдатру ккаккан дуллалисса кувнияр кув яргсса номердашал.

## Интнил хьхьунил байран

МахӀачкъалалив, Оьруснал театрдалул хьунмур залдану, хьунни Дагъусттаннал халкъуннал инт хьунадакъаврил «Цу лагаву» тӀисса цанилусса байран.



## «Вирттавравухсса цара»

Ларгсса шиналсса «Илчи» кказитрал махъва-махъмур номерданий (№52) жу чивчуссия цалчин мобилизациялул бувминнавух Украиннавун, хасъсса аьралий операциялулу гьуртту хьун, лавгсса Кьяннал ва Бархьаллал жяматрал арс Эдуард Ибрагьимовлуя (Хан Лековлуя).

**Адриана АБДУЛЛАЕВА**

ДакӀнийн бутан, ва «МарцӀсса лакрал жямат» тӀисса, районнай ва личӀи-личӀисса шагърудай ялапар хьанахъисса лакрал патриоттал, шантуршаксса инсан усса группалул администраторди.

Ва группагу ванал сакин бувссия 5 шинал хьхьичӀи, лакрал масъалартту гьаз булансса, лак цаннашал ца лакку мазрай жап тӀутӀи бансса мурадрай.

Группалувун уххан мажал биривсса чӀумал, цаява буруккинтайсса жул дакӀ дуллай, Эдуардул мудан чичайва: «Гьарзат



**Эдуард Ибрагьимов**



**Патима Хамзина Эдуардлуца азарханалий**

ххуйну бур, гьармунил дузалну буру. Дукан дур, хӀачӀан дур, лахан дур. ХьхьичӀунмай най буру. Жува ххув хьунтӀиссару», – куну.

Ца зурул хьхьичӀи Эдуард увкӀун уссия ца-кӀива гъантлийсса отпускрай. Группалун 5 шин бартлагаву кӀицӀ дан группалул вакилтурасал ххуйсса хьунабакъавугу дурну, махъунай цала кьуллуьг булан лавгссия.

Март зурул байбихулий Херсоннал областрай нанисса гужсса талатавурттаву, мина пӀякъ увкуну, жула Эдуардлуин захӀматсса шаву дирунни. Эдуардлуин хьусса апатӀ жун цинявннан хьинну къаши хьунни, кьурчӀи бивзунни. Ци банссар, дяьви бур дяьви. Сагъну личӀаврий Аллагънайн шукру бан багъансар. Цана ва Балашихалийсса Н.Н. Бурденкол цӀанийсса госпитальданул филиалданий хьин хьанай ур. Уттигъанну ваначӀан ссайгъатрасал бивунни Балашихалий ялапар хьанахъисса жула лаккучу Исмаил МахӀаммадов, «Сердце Лакии» группалул вакилтал.

Бивунни ЭдуардлуцӀан, лакку дукрардугу дурну, Москвалив ялапар хьанахъисса бархъара душ, цуппагу гьарица укунсса

кӀанттурдайн хьхьичӀива-хьхьичӀи бачайсса – Патима Хамзина. Ванил Эдуардлушалсса азарханалийсса сурат ккаккайтту, на чичав: «Ина Патима къабикӀантӀиссияв, миккун къабивссания», – куну. Эдуардлуин цӀуллушиву чӀа тӀий, ванаха дуаьлий бур цинявнпагу ва кӀулими.

Ванан хас бувну, укунсса ххару чивчуну бур Дюкьуллал ХӀадисхьал ХӀадислул.

*«ХхункӀ бичарду», – учайва,  
«Ххуйну ура», – чичайва,  
Хьинмунийн вих буллаийсса  
Хавардугу бусайва.*

*«Заннан ххирара», – куну,  
Даиман хьярчу байва.  
«На акъа жулва гужру  
Хуркку шайссар», – учайва.*

*Машаллагъ, Хан, увкуну,  
Нагу дайссия дуаь,  
ЧӀарах гъаннав чӀайссия  
Оьрмулуца ай ккулла.*

*Вирттавравухсса цара,  
Ватанчигура цаькьсса,  
Урувчуссара ина  
Ялувсса РахӀман-Заннал!*



**Цуссалакрак райондалийсса «Дараччи» ансамбль**



## ВацІлувусса инт

ДуркІунни инт. КІинтнил дахъисса шанава чантІа тІий бур вацІа. Ва ппурттуву уттава буккай гъарцагу мурхъ. Аьршарал куртІниву мурхьирдал мархри цІупІа тІун бикІай даслай нанисса аьршарал къатлил хъатру. Интнил сокру, гьалххасса мугъали хъуну, гъаз хъанай дачай мурхьирал ттурцІавух къяртрачІан, миннул вибуцІин бувай къяртрайсса къупру, яла ми, пурш лахълай, бурухлай бачай, хъяучин хІадурсса кунма. ЧапІал цалчинсса шоллишиву итххяххай къупал лантурдай.

Г. СТРЕБИЦКИЙ

## ЛухІичІелмулт

ЛухІичІелмулт левххун бу-чІай чясса инттува, къурув микку-тикку марххала бассан бувасса чІумал. ЛухІичІелмулт левххун бучІаву интнил цакъсса лишанни. Левххун бучІавивухва вай булукъайссар цила кюртти бакъин буллай, хІадур буллай, кІукІлусса къяртив, цІинцІ датІлай, кюру ккуркки лаган буллай. КІюрххилва, къяртрайгу къитІ бивкІун, лухІичІелмулт булукъай макъанну руцІлай. Ххуйрикъай вайннул интнил балайрду! ЛухІичІелмултрал макъаннаву бакъасса жура-лул чІурду бакъассар. Вайннул жагъ булбулданул гюнгутІул такъвалийсса балай итабакъайссар, жагъгу вахІшийсса урдкрал къялул чІуний байбишайссар. ЛухІичІелмулт тачІав дулланмур дакъа къабацІайссар, вайннул жулва къур, багъру, ахъру зянчитурая ябулла-лиссар. Вай лелуххант инсантурал вихшаласса дусталли. Къурдарах, багъирдавух буклай, гъарца мурцІу-ккугІув биллай, къатІраву мюрш бикІлай, дагъия датІлай, марцІшиву дуллалисса лелуххантри.

И. СОКОЛОВ-МИКИТОВЛУЛ  
Бувсмунийн бувну

## Жанаварт интту

Интту жанавартту, чантІувкуну, утта буккайссар. Цухъри нуххардива буккайссар неххардийсса микІ бассайхту. ЦацкІуллугу мурхьирдал къавкъсса чапІал гъурслива буккайссар. Интту бюрхттурал, бюрххурдил, цулкІрал, цухърал ранг даххана хъанахъиссар, миннул ганзсса рахІурду

## Интнил чІурду, макъанну

Ххирасса оьрчІрув! Вана цІунилгу къатІув инт итххяхлай, интнил макъанну, чІурду баллай. ДақІнийхтуну барча дуллай буру жуна личІинура ххирасса Интнил байран. ИнтницІун бахІару жува язими хияллу ва мурадру, интту тІабиаьт цІулагай, инсантурал дақІурдивун ххаришиву дагъай, хъудугъулт къурдарах буккай, ахъ буми ахъувун, дачарду думи багъирдавун буккай. Интнил байрандалушал архІал дайдишай интнил каникуллугу. Ча тІий буру зун цІуллушиву ва тирхханну, дуккавил шин дюрхъуну къуртал дувансса гъира ва тІайлабацІу.

«ЧИМУЧИАЛИ»



ливккун, куклусса лаххайссар. Инттур вацІулл жанавартрал оьрчІругу дуняллийн буккайсса. Бюрхттукуул кюрттарай 4-7 мюршисса, яру тІитІин бувасса, мурчІисса оьрчІ бикІайссар. Бюрхттукуу аякъалийсса нинур, накІгу дуллай, ялув бавцІуну ябайссар оьрчІру, душмантурайгу буруччин цІакъну къарал буллай. Мйива гъантта лагайхту, бюрхттукуул оьрчІал яру тІитІайссар, чурххай цахъи ппал дишайссар. Ца нюжмардува миннул чурххай цІакъ лачІайссар. ВацІулл уртту ва къюнукъилул ягу ттукуулнисирттал бакІру чІалан дикІайхту, ахтІайнсаннун нагъар дуван, бюрхттукуул оьрчІру мурхьирдая ялавай буцайссар. Буччайхту цІунилгу мурхьирдайн гъаз шайссар. Ццунсса чапІал ми душманная кІучІ буллалиссар.

М. БОГДАНОВЛУЙН БУВНУ

## Цуша

Нуххува буккай чІун дучІаннин цухълул рангтур да-

ххана шайсса. Цухълул бурчуя дагъсса гъал ххилан бикІайссар вацІлувусса кІулли цалва кюрттардийн.

Ци дуллан бикІайссар цуша чантІ учайхту? ХъхъичІвахъхъичІ битІкьукърал къатІри ххал буллай авлий буккайссар. Лявкъуннихха къатІа. ЛанцІгу увкуну, дучІайссар цухълул ххяппа къатІувун, битІкьукъри, лухІи мугъали хъуну, цухълул ххяппуйн ила бичайссар, цухълулгу, битІкьукъри къуршу бувну, цІусса порциялул хъирив цІунил ххяппа къатІувун личІайссар. Ххирассар цухъран цаймигуушу-шулги, ишттахІрай диримур къуршу дувайссар. Ххирассар оьрватІив, къюршталтту, гъаннайсса, бакІрайн дагъмур цухълул гъагІувун наниссар. Марххала бассайхту, ялун ливчусса дукІувасса къюнукъул къатІригу миннул ххуйну къуршу бувайссар.

С. ПОКРОВСКИЙН  
БУВНУ И.Т. ЗВЕРЕВЛУЛ  
«ТІабиаьт ххирану» тІисса  
луттирива



## Шанна Интнилхъхъу дувайссия лакрал

Мартрал 22-нния байбивхъуну, шанна къини Интнилхъхъу дайссар лакрал. Нитихъал цала оьрчІан га къининин бартри дайссар. Бартри – гъивхъ, ккунук, кишмитІутІи къувтІуну бувсса ччатІри. ЧчатІру шашайссар гъаттарал, дучрал бакІурдил журалийсса куц бувну. ОьрчІал тІуршив дайссар, Интнилхъхъу дучІаннин, къяртив, бюрув, ширпив батІлай, хІадур хъанан бикІайссар. Интнилхъхъуну лахъсса кІанттурдай, бакІурдай, ккурчІав къавтІив бичайссар. Яла оьрчІру, жагъилтал ва бугъарами гайннул ялтту тІанкІа тІун бикІайссар:

Ттул цІуцІаву цІарахъхъун,  
ЦІуллушиву чурххяхъхъун!  
Ттул ццахханну – вивун,  
Вил тирхханну – ттувун!

КкурчІав, занбарагру битлай, тяхъашивуртту дуллай бикІайссар. Лахъсса кІанттайнгу лавхъун, тІуршив риглан бикІайссар. Шарда личІи-личІисса дукрарду дайссар. Гайннуйн «къатта тату» чайссар. Цахъхъунна бартри дуллувкун, оьрчІру, гайгу ларсун, къатІув бувккун, укун тІун бикІайссар:

Ва барта мяши, мяши,  
ЦІу барта мяши, мяши,  
Барта урцІи мяши, мяши!  
Ссав кІучІин, мусил кІурчІлу мяши,  
Шялу диххан, арцул кказа мяши,  
УрчІва цІуку – ЦІахъарав,  
ЦІиннарал гъи – Бархъарав!  
Халил ХАЛИЛОВ



## Барта мяш

Бялахълай бур цархъал оьрчІру,  
Интнил хъхъу барча дуллай.  
НахІусса бур гайннал хъярчру,  
Бартраяту цІа дуллай.

– Ва ттул бартлул бакІрах бурги,  
ПархтІутІи къаххансарив?  
Залмул дур так ччатІул цулхъри,  
ВаничІан дучІайсарив?  
Барта мяши! Барта мяши!  
– Мугу цири? Му бартарив?  
Барта дур ттул ххаллилсса:  
Ххяпурттай гъивхъхъул  
оьрватІив,

Ца-цанний ца-ца ххявхсса!  
Барта мяши! Барта мяши!  
– Бартраву дур барта ттулмур!  
Ка ххюва кІисса бусса!  
Къурнил нувицул ва хурмалул  
Щаллара чІюлу дурсса!  
Барта мяши! Барта мяши!  
– Бартрал оьрчІру зул бухъурчан,  
Ттулмур дур бартрал нину!  
Бурги шиккун, урша-куша,  
Бувну бур бачІи ккунук!  
Барта мяши! Барта мяши!  
Бартригу дур, бартригу дур,  
Ттулмур дур исвагІумур!  
Лирицу лялу, хъувух – кІичІру,  
КишмитІутІул бур яру!  
Барта мяши! Барта мяши!  
Парх увкунни къатрал къавтІи,  
Карду дургъунни оьрчІал.  
Гиргич буллай, ккуррандали  
Балай кунни душварал:  
«Зурул лажин, зурул лажин!  
Бургъил лажин, бургъил лажин,  
Лавхъ къавтІилул цІарал лажин!  
ЦІарал лажин, цІарал лажин,  
Ххуй душварал оь-накІ лажинт!  
КІяла лажин, кІяла лажин  
Къуру кІинтнил кІяла лажин!  
Жиг рартІ лажин,

жиг рартІ лажин,  
Ккашил ишал жиг рартІ лажин,  
Щюлли лажин, цюлли лажин,  
Яну интнил цюлли лажин!  
Ттултал лажин, тІутІал лажин,  
Даркъу гъинтнил тІутІал лажин.  
Мусил лажин, мусил лажин,  
Булугъ ссутнил мусил лажин!  
Ккуркки лажин, ккуркки лажин,  
Дурччу ишал дурцІу лажин!

Юсуп ХАППАЛАЕВ

Лажин хІадур дурссар  
П. РАМАЗАНОВАЛ

Дин, иман, ислам



## Имам Ан-Нававил язи дургъуминнува

Зул дянивату Заннайн (хІакъну) вих къавхъума цумари учирча, цанма чІа тІумур цала уссингу чІа къатІумари.

Ца инсаннал куну бур Идавсихъ (с.аб.с.): «Бува ттун маслихат!» - куну. «Ссимабизларда!» - куну бур Идавсил (с.аб.с.).

Инсаннал ца-кІилва ялагу тикрал бувну бур (тавакъю), амма жавабраннив баяйсса бивкІун бур гава га: «Ссимабизларда!».

Нигъа усласу Аллагъная, инава чув хъурчагу, вищара дурксса ххуй дакъасса тІулул хъиригъ дува га шюшинсса ххуйсса къел, ва хъиншиврив къуцугу тІутІу инсантурацал!



На куссия: «Я Аллагънал Расул! Буси ттухъ исламрал хІакъыраву так вихъва бакъа ттуца цІуххин къашаймур!». Ганал куна: «Уча, на вихссара Аллагънайн - ва яла узданну ялапаргу хъанахъ!».

Я Ттул лагътал, На къадагъа дишав Ттула Нава къума къаулан, ва зуйгу дихълай ура мура къадагъа, къумалаган мабулларду кувнал кув.

Я Ттул лагътал, На насихІатрайн бувцими личІаннин, зу циняв бйкълай буру, мунийн бувну луглагияра Ттул насихІатрах, ва бугу-буцинна На зу насихІатрайн. Я Ттул лагътал, На буччин бувми личІаннин, зу циняв ккашилну буру, мунийн бувну луглагияра Ттул дукралух, ва буччингу банна На зу. Я Ттул лагътал, На лаххан бувми личІаннин, зу цинявпагу кІачІану буру, мунийн бувну луглагияра Ттул лаххиялух, ва лаххангу банна На зу. Я Ттул лагътал, зу хъхъугу-къинигу буллаи буру бунагъру. На ялтту учІлай ура циняв бунагъирттал, туну луглагияракъай Ттул ялтту учІаврих, бигу-битаннача На зу багъишла.

Я Ттул лагътал, къашайссар зуца Ттун заралну бацІануксса зарал Ттуин биян бан, къашайссар зуца На ххуй-хъиншиврив учІин ануксса хъиншиву Ттун дулун. Я Ттул лагътал, зуватусса хІатта гай яла хъхъичІунминнаца ва яла махъва-махъминнаца, зуватусса инсанминнаца ва зуватусса цййтІанминнаца,

## Идавсил (с.аб.с.) ХІадисирттавату

### Аьрапалул хъунин

«Буси инара хІасул хъун дурсса караматшивурттая, ми цукунссар?» - куну, МухІаммад-Идавсихъ цІувххусса чІумал, ганал жаваб дулайсса диркІун дур: «На караматшивуртту хъун дуллаи акъассара. Ттун кІулсса караматшиву цар дусса - му Къуръанни», - куну.

Къуръан - му хъанай бур аьраб мазрайсса прозалул цалчинсса жуж, цуппагу, рифмардугу дагъан дурну, экъинани бувсса прозалул жуж. Му Луттираву буссар личІи-личІисса лагрулул 114 сура (бакІ). «Къуръан» тІисса мукъул мягнагу хъанай дур «Ккалаккаву» тІисса.

Къуръандалул мазрал ва мягналул пасихІшиврий, мунил поэзиялул бюхттулшиврий махІаттал хъанай бивкІун бур Пушкин, Лермонтов, Толстой, Фет ва чІявусса цаймигу.

Исламрал шаллагу традиция хъар хъанай дур Къуръандалийн ва сунналийн. Къуръан-му хъанай бур Аллагънаясса Абадшиврул махъ. Сунна тІурча, - бур хІадисирттайну цачІун

бувсса МухІаммад-идавсил (с.аб.с.) ку-сса мукъурттиясса ва дуллаи ивкІсса тІуллаясса бусала. «ХІадис» тІисса мукъул мягнагу аьрабрай «Мяйжаннугу хъусса бивкІсса» тІисса хъанай дур.

Гъарчагу хІадисрал буссар тІар доктринасса къимат ва му хІадис бусавриву ягу чичавриву дикІангу къабучІиссар тІар цукунчІавсса дахханашин. Агарда, чІирисса духъурчагу, ххи-чаншиву хІисав хъанай духъурча, мукунсса хІадисрал ялун ххи байссар тІар «хъхарасса» тІисса махъ.

Мягналулгу, мурадиралгу ца яла бюхттулмину хІисав байссар тІар Ан-Навави тІисса имамнал цинявпагу хІадисирттава язи бувгъусса мукъІалва хІадис. Вайннул цавунна ларсун дуссар тІар гайминнувусса сайки циняраду мянарду ва ххуйшивуртту.

Ялавай бишлай буру ми мукъІалва хІадисравасса ва «Идавсил (с.аб.с.) калимарттал багъравасса тІутІал кацІ» тІисса луттиравасса цаппара хІадисру.



«Махъаллил хъу дуняллияту, Аллагънан ина ххира хъунтІиссара, махъаллил хъу инсантурал цанна хъусну ляркъумунияту, инсантурангу ина ххира хъунтІиссара».

Мабиян булларда зарал вийнмагу, чийнгу.

## «Идавсил (с.аб.с.) калимарттал багъравасса тІутІал кацІ» тІисса луттирава

Мубараксса Идавсил (с.аб.с.) куну бур: «Я Аьлий! Дуссар арулла хъиншиву, ций бартдигъин бюхъаврил цІаний Жабраиллунгума инсанну яхъун ччисса:

1. Хъун Мизитравусса дин-дуаь.
2. Аьлимталсса инсантурацалсса ихтилат.
3. Рагъсса инсантал дакъил баву.
4. Ятинтураха аякъа даву.
5. Къашавайсса инсаннал ялун-луг лагаву.
6. БивкІулий гъуртту шаву.
7. ХІажлий нанисса инсаннал мякъ лиххан баву.

Мубараксса Идавсил (с.аб.с.) куну бур: «Гъарца хъхъуну - мунил шамилчинмур бутІуй, нюзмар хъхъуну тІурча - мунил дайдихъулий Бюхттулусса Аллагънал тІайла уккайссар аьрицарал ялувсса ссавруннайн малаик, кІия гилун оьвтулунишврив: «Бурив чІа тІисса - На миннан дулунишврив? Бурив тавба дуллалисса - На миннал тавба къамул данишврив? Бурив, ялтту учІу тІий, дуаьлийсса - На миннал ялтту учІанишврив?».

Мубараксса Идавсил (с.аб.с.) куну бур: «Къиямасса Къини мангъуинал оьвчинтІиссар: «Чув бур тирантал ва миннацІун кабакълай бивкІми, миннал ппиргъурдан цекъи ласлай бивкІми? БатІияра ми цинявпагу цачІун!» - куну.

Мубараксса Идавсил (с.аб.с.) куну бур: «Лахисса хІаллай дуснакъ бан лайкъсса затирттаву хъхъичІва-хъхъичІмур мазри», - куну. (Цан бакъарча, мунил кумаграйхчин байсса буну тІий чІявуми бунагъру: цайминная оьсса тІутІаву, цйялмахъ, зайрду, рихиантру, ссугру ва м.и.).

Мубараксса Идавсил (с.аб.с.) куну бур: «ХІатта шанай ухъурчагума, царсса дуриума инсан къамулссар Аллагънан, дяхтта зумагу дугълай, хъхъувай чакругу буллалисса царсса дакъунияр», - куну.

Мубараксса Идавсил (с.аб.с.) куну бур: «Дуржагъравун тІайла бувкминнавасса чІявуми бивкІантІиссар царсса къадурцусса араммалгу, цар къавхъусса хъамигу», - куну.



зуватусса га яла дакІ узданманяргу ялттусса узданшиву думиннаца - къашайссар ссавучІавгу ххишала дан Ттул паччахІшиву. Я Ттул лагътал, зуватусса хІатта хъхъичІва-хъхъичІми ва зуватусса махъва-махъми, зуватусса инсанми ва иблисми цинявпагу, ца кІанттайн бавтІун, миннатрай Ттуин лабизарча, ва Нагу миннавасса гъарцаннан чІа кумур дурчача, мунийну ТтучІа думур бюхъайссар чан хъун хъхъиривун шугу-цууну, махъунмай бувксса ххалаххул га хъхъирий чан дурсса цинаяргу.

Я Ттул лагътал, На ккал дуллаи уссара зу ккаклакисса иширттал ва яла зана битлай уссара миннухсса хІакъеу: ча, цуманан ляркъуригъ ххуй-хъиншиву, зукълакъвуча цув Аллагънаха, цуманангу ляркъуригъ цамур зат, аьй-бювкъу буллалувча так цайва цува.

Хъуннасса Кашилул Аллагънал ккаккан дурну дур вин диндалул дишаларду, мунийн бувну мадулларда ми сан дакъул; КІанал дирхъуну дур вин дазурду, мунийн бувну махъхларда миннул ялтту; КІанал дирхъуну дур къадагъартту цаппара затирттай, мунийн бувну малиян дулларда ми; цаппара затирттал хІакъыраву къакуну бур КІанал цичІав - хъамабивтун тІий бакъача, вийсса цими ххи хъуну - мунийн бувну махІарачат булларда ми кІул буван.

Ца инсаннал, увкІун ИдавсичІангу, (с.аб.с.) увкуну бур: «Я Аллагънал Расул, ккаккан бува ттун на бартдигъинсса иш, агарда цув биттур барча, Аллагънангу на ххира хъунсса, инсантурангу на ххира хъунсса». Идавсил(с.аб.с.) куну бур:

Дин, иман, ислам



\*\*\*  
Мубараксса Идавсил (с.аб.с.) куну бур: «Дуссар ссавруннал кьапурду тIитIайсса мукъра чIун-тагъар: гъарал лачIлачIийни, оьрчI цала нитти-буттал иттава ялугълагъийни; Къявалул нузру тIиртIуний ва ташулул хъанахъийни».

\*\*\*  
Мубараксса Идавсил (с.аб.с.) куну бур: «Чавасса оьрмулий царсса дурцусса жагъилнал цIунцIутIи байссар жин: «Агъ, лухIи бала тIтул бакIрайн, утти (царсса дурцуну махъ) ганал тIтуяту бурувчуссар цалла дин-имандалул шанма бутIул кIива бутIа».

\*\*\*  
Мубараксса Идавсил (с.аб.с.) куну бур: «Маялугъларда хъинмуних, агарда



хъамитайпалул тIалав буллай бухъурча авадансса къалим ва хасиятгу сагъ дакъасса духъурча», - куну.

\*\*\*  
Мубараксса Идавсил (с.аб.с.) куну бур: «Булача хъамитайпалул цила ласнан ицинал пинжан: мунихлу Заннал ганин дулунтIиссар хъуннасса бахиши, ицинал мутталай дятта зума дугълай, хъхъувай чакру буллай ивкIссаннухлу дулаймурнир хъхъичIунсса бахиши».

\*\*\*  
Имам Аьлил куну бур: «Хъамитайпалул яла хъунмур шагъидишиву (Аллагънал цIанийсса талатаву) - му цила лас рязи уллалавур», - куну.

\*\*\*  
Мубараксса Идавсил (с.аб.с.) куну бур: «Хъхъугу-къинигу ласнан цуппа

ччай бикIанишиврул, га циха мякъну икIанишиврул хъамитайпалул авркинссар ишла дуллан къанкъ ххаллилсса затру, чIюлушивуртту, лахлан яла ххуйми яннарду», - куну.

\*\*\*  
Мубараксса Идавсил (с.аб.с.) куну бур: «Ташулул хъяра, личIигу махъанарду, ливсса ташурдал зурзу чин байссар ссавнил тах».

\*\*\*  
Мубараксса Идавсил (с.аб.с.) куну бур: «Шанна хасият (инсантурал) ххуй дизайссар Аллагънан: чIявусса гъалгъа къабулалаву, кутIасса шану ва дукралул къарал. Къакъамулссар КIанан шанна хасият: чIявусса гъалгъа, лахъисса шану ва лякъа хъхъичIун дуллалаву».

ХIадур бувссар  
Руслан БАШАЕВЛУЛ

# БухIуллий бур Рамазан барз

БухIуллий бур дуняллийцирив бусурманнан яла ххирамур барз – Рамазан барз. Бусурман аьлимтурал баян бунни му байбишинтIишиву март зурул 23-ний, Зумаритавал байрангу апрель зурул 21-нийн дагълагъишиву.



Шъяван зурул махъра-махъсса хъхъуну МухIаммад Идавсил (с.аб.с.), вяза ккалай, увкуну бур: «Ттул уммат, бувкIунни чIярусса хъиншивуртту дусса барз, циву дусса ца хъхъу азарва зурул багъасса. Ва зуруй, ххуйсса тIул дурну, АллагъначIан гъан хъун хIарачат бувма лавхъхъуссар 70 паризасса тIул вайми зурдардий дурманаха. Ва ссавурданул барзри. Ссавур дурманан ссайгъатну хъунтIиссар Алжан. Ва зуруй кувннал кувннан кумаг байссар».

«НасихIатул аьвам» («ГъунчIу-къатIан») дуттирава:

«Рамазан зурул хъхъичIра-хъхъичIсса хъхъу дуркIукун, Алжаннул хъулурду тIитIайссар. Му гъаннин къалакъайссар. Дуржагърал хъулурду лакъайссар, му гъаннин къатIитIайссар. ЩяйтIантру байшун бувайссар. Иблилуй къатIа бишайссар. ЛивтIуми ххариссар, уттавами рахIатссар. Оьшивуртту къачичайссар, хъиншивуртту ащIийну чичайссар. Буцирив бунагъирттал аьфву бувайссар. Аьзаврая ххассал бувайссар. Барачатсса барзри.

Му зуруй бувсса ца фаризалул чири цамур зуруй бувсса арулцIалуннилуксса чири буссар. Мунивусса пазилартту чIяруссар, хъиншивуртту, хъуншивуртту гъарзассар: дуаьлухъхъун жаваб дулайссар, цадакъа къамул бувайссар, тIаабтру ххирассар, эбадат къамулссар, ливтIуми неьматравуссар».

Рамазан барз хъун буллалисса Идавсил (с.аб.с.) хIадисругу чIявусса бур. Идавсил (с.аб.с.) увкуну бур: «Цуманал дургъуририв зума Рамазан зуруй, иман дуну ва Аллагънайн таваккул бувну, муная хъхъичIавасса бунагъру лиххан бантIиссар». АщIния кIивагу зурува яла ххирамур барз Рамазан барзри, мунил хъхъурдардил яла ххирамур хъхъугу Лайлатулкъадрилул Хъхъур, мугу Рамазан зуруй цумур хъхъу дуссарив мягълумну къакIулссар.

Ялагу бур хIадис: «Рамазан барз байбишайхту, малаикнал баян байссар: «Я хъинмур ххираимий, хIарачат бара хъинмур бан! Я оьккимуних луглагимий, бацIан бара оьккимур буллалаву!». Идав-

сил (с.аб.с.) увкуну бур: «БувкIунни Рамазан барз – барачатрал барз, зума дугъан Аллагънал амру бувсса, ссавруннал дарвазартту тIитIайсса, дуржагърал дарвазартту лакъайсса, азарва зуруяр даража хъунмасса ца хъхъу (Лайлатулкъадри) дуллусса». Идавсил (с.аб.с.) увкуну бур: «Инсантуран кIулну бивкIссания цукунсса барзрив Рамазан барз, миннан ччансся шаллусса шинайгу Рамазан къуртал къавхъуну».

Идавсил (с.аб.с.) увкуну бур: «Рамазан зуруй гъарца хъхъуну, кIюрх дучIаннин, малаик ссаврунная оьвтIий уссар: «Хъинмуних луглагима, инава чIяву бува хъинмур, хъинмунил хъирив агъу! Оьмур буллалима, ащIу, пикри баххана бува. Урув тавба дуллалима? Аллагънал къамул дантIиссар мунал тавба. Урув дуаь дуллалима? Аллагънал дулунтIиссар жаваб».

Рамазан зуруй жувадакIмарцIшиврийн хъул бишару, оьсса махъ учаврия, шялмахъ бусаврия, къалмакъгалу дуваврия махъаллил хъун хIарачат бувару, мюхтажминнаха, мискинминнаха аякъа дувару.

Рамазан барз хъанахъиссар, хъхъичIрасса къаччанбикIавурттугу хъамариртун, ххавхнашал дакъил хъунсса сантирал барзну. Ххуймур, хъинмур буллан тачIавгу къачIалссар! Жувагу чIа учинну Аллагу Тааьланахъ жура дуллалимунил ниятру ялунчIилсса Рамазан барз бучIаннингу личIаннав тIий. Рамазан зуруй Аллагънал, гъарца къини зума итадакъайсса чIумал, цимигу азарахъул инсантал багъишлаго бивтун, минная алжаннул агълу бувайссар тIий бур. Жулва гъанми, чIаххув-чIарахми, дуняллия лавгми Алжан нясив бувминнавух лякъиннав.

Лакрал миллатгу Аллагънал цими бивхъуминнавух лякъиннав! Ва Рамазан барз эбадат дуллай, зумарду дугълай, дуаьрду дуллай, Къуръан ккалай гъан бувансса цIуллушиву ва лагма-ялттуми ххари буллансса бюхъу чан къахъуннав. Жура дуллалицирив дуаьрдал чара бакъа ялун ххи дуванну дунял паракъат хъуннав, аьрайми цIулуну шаппа-шаппай ччяни зана хъуннав тIисса дуаьрдугу.

ХIадур бувссар  
П. РАМАЗАНОВАЛ



ИТНИ, 21 МАРТ
05.00 «Доброе утро». (12+).
09.00 Новости.
09.20 «АнтиФейк». (16+).

03.00 Новости.
03.05 «Подкаст.Лаб». (16+).
03.45 «Подкаст.Лаб». (16+).

03.05 «Подкаст.Лаб». (16+).
03.45 «Подкаст.Лаб». (16+).
04.20 «Подкаст.Лаб». (16+).

03.05 «Подкаст.Лаб». (16+).
03.45 «Подкаст.Лаб». (16+).
04.20 «Подкаст.Лаб». (16+).

03.45 «Подкаст.Лаб». (16+).
04.20 «Подкаст.Лаб». (16+).

04.15 «Подкаст.Лаб». (16+).
04.50 «Подкаст.Лаб». (16+).

АЛХИАТ, 26 МАРТ
06.10 «Подкаст.Лаб». (16+).
06.55 «Играй, гармонь любимая!» (12+).

РОССИЯ 1

ИТНИ, 20 МАРТ
05.00 «Утро России».
07.35-07.41 Вести-Дагестан
08.07-08.10 Вести-Дагестан

Арьяев и Дмитрий Ермак в телесериале «Пыльная работа». [16+]

08.35-08.41 Вести-Дагестан
09.00 Канал национального вещания «Толустан» (на азербайджанском языке)

08.35-08.41 Вести-Дагестан
09.00 Канал национального вещания «Магулер» (на агульском языке)

08.07-08.10 Вести-Дагестан
08.35-08.41 Вести-Дагестан
09.00 Канал национального вещания «Турцилаг» (на лакском языке)

08.35 «По секрету всему свету».
09.00 «Формула жизни». [12+]

08.00 ВОСПРЕСЕНЬЕ.
08.35 «Когда все дома с Тимуром Кязымовым».

ИТНИ, 20 МАРТ
07.00 Время новостей Дагестана.
08.00 «Королева спорта» 0+
08.10 Х/ф «Раннее утро» 12+

04.40 «Угол зрения» 12+
05.05 «Выходные на колесах» 41 с. 6+

АРВАХИ, 22 МАРТ
07.00 Время новостей Дагестана
07.20 Передача на лакском языке «Арыши ва агьлу» 12+

08.00 «Королева спорта» 0+
08.10 Мультифильм 0+
08.30 Время новостей Дагестана
08.55 Х/ф «Чужая родня» 0+

04.40 «Молодежный драйфт» 12+
05.00 «Выходные на колесах» 42 с. 6+

02.20 «Крутой стол» 0+
02.50 «Мир вашему дому» 12+

АЛХИАТ, 26 МАРТ
07.00 Время новостей Дагестана
07.20 Передача на лакском языке «Вахар ва инсадар» 12+

ИТНИ, 20 МАРТ
04.55 Т/с «Москва. Три вокзала». (16+).

ТТАЛАТ, 21 МАРТ
04.55 Т/с «Москва. Три вокзала». (16+).

АРВАХИ, 22 МАРТ
04.55 Т/с «Москва. Три вокзала». (16+).

ХАМИС, 23 МАРТ
04.55 Т/с «Москва. Три вокзала». (16+).

НЮЖМАР, 24 МАРТ
04.55 Т/с «Москва. Три вокзала». (16+).

ХХУЛЛУН, 25 МАРТ
05.00 «Жди меня». (12+).


АЛХИАТ, 26 МАРТ
05.00 Т/с «Визу-знаю». (16+).







Адабият  
лаҗин



**МАХАММАД-ЗАГГИД  
АМИНОВ**

## Титлала

Титлара члавахулу –  
Багърал чйараклу духхан,  
Чамурдай ва магъулу  
Бургил читлрал гуй дуван.  
Титлара ненттабаклу –  
Жиг дартисса ххют вайдакын,  
Титлара жангу, даклу –  
Щаннаву чани лякын.

Гъагъан барча макъара,  
ВирдакI лякъай нахлуса,  
Титлара хлаксса ара,  
Инсантал мачча бувсса.  
Титлара чил бюхъугу  
Зула дакI дацавриву,  
Титлара ци-дунугу  
ДакIнил ларсёсса давриву.

Зул дакIнил чаннал тимур  
Зул ссихирданул клула:  
Титлара зунна ччимур  
Хиллакарсса кьункула,  
Титлара зу, титлара  
Зула бюхъу буссаксса,  
Мурича зул титлала,  
Титлайну тий учайсса.

## Гъинтнил хъхъу

### НОКТИОРН

Киххядурцунни ттурлу,  
Ссавруннал къапу титлай.  
Къатув бувккунни барзгу,  
Симандалух нур ритлай.

Укку, ттул дус, хьулухун,  
Бугъи канил каманча,  
Навагу мандолина  
Гюргу тугти баннача.

Нурданул дурцуну дур  
Жула бюхттулсса ларзу,  
Нацуну пиш-пиш тий бур  
Ттух эшкьи хьусса барзгу.

Уккуварч, дус, ларзулун,  
Нацуну дакI щий дурча,  
Вай гъапул ларгсса хъхъурду  
Гъалгъа тугти даннуча!

## Ссутнил марч

Гъанай бур марч, къавтий бур,  
Чапал яннагу ларххун,  
Гъура, бачира тий бур  
Щарнил кийхсса баклахун.

# «Ххявххун бур тлар клива мурхъ жува бавцусса кланай»



Абуталиблучла хъамалу



Дустурацал



Р.Хамзатовлул юбилейрай Цадаллал шяраву:  
М-З.Аминов, М.Хамидов, С.Хайбуллаев. 1983 ш.

85  
ШИН

Гъапулсса ссутнил гъантрай,  
Гъинтнил цларал бувцунма,  
Най бур марч хларачатрай,  
Хъатлуин архалшар кунма.

Гъай-гъай, тти марч ххариссар,  
Му цаннигву ттун клулли:  
Жалин дудин наниссар  
Чапал бувцусса ххуллийх.

Ма вин чинтиссар, ма вин,  
Къуннияз жул хьулуву,  
Дучантиссар ттул жалин  
Марххалттанил гъухъуву.

## Баврув, авчитал

Баврув, авчитал, баврув,  
Бардув зунттай бахлахъру,  
Бахлардув ттуккул бурхлай  
Ттул аврдал мусил тажру?  
Авчитал, агъ, авчитал,  
Бусиракъай, заннаху,  
Цукун багъуна ххялайх  
Бунагъ бакъасса бархху?

Бюхттул ара барзунттал,  
Лагъ ара оьттул аьцул,  
Барххул яру явш битлай,  
Ххари ара шарашул.  
Шил ци ав буварчагу,  
Шийчлав мяшгу къашара,  
Ххира зунттал ххуйшиврул  
Увцуну зана шара!

Гъалгъа туглугча ратлугу,  
Чев-чев туглугча кюрхгу,  
Цалчинсса марххалттанийх  
Къавтий насуча бюрхгу.  
Я авчитал, зун тачлав  
Къаккавкссарив, лажинни,  
Къирттаву баргъ бавцусса  
Бархху куннасса кьини?!

На ишан ларсёсса чумал,  
Авлиагу инсан шай,  
Чарав бувксса гадригу  
Мюрци оьрчлаха лашай.  
Шавай зана ивкुकун,  
Чиссаннахгу ябита:  
Ца-ца иттату ца-ца –  
Буругай клива гъинта.

Баврув, авчитал, баврув,  
Бардув зунттай бахлахъру,  
Бахлардув ттуккул бурхлай  
Ттул аврдал мусил тажру?  
Авчитал, агъ, авчитал,  
Зу явагу бивтессияв:  
Ттул макърагу дакъаяв  
Бивчайни барххул итгав?

\*\*\*  
Хъхъемал бувцунни яру,  
Даххана хьунни аьрши.  
Ххал хьунни архнияра  
Ниттил лухласса карши.

Хьулх дур хавар бакъа,  
Ххаллал кутлугу канихъну,  
Ттул хар-хавар бакъа  
Чири лирчисса ттул нину.

Хавар хьунни, ххярххунни,  
Ларцунни, канийн ппай тий,  
Азарда жура хьунни,  
Арс тий, хъай дуна, аьтгий.

Клутмур, багъну канива,  
Ттерихлай бур, дард кунма.  
Цими дурвав ганиву  
Ттул дурсса ниттил дуаь?

Циминнахъ цувххунавав,  
На ххал къавхъурив куну?  
Цимил ххуллийн дуркнавав,  
Щаннава ттул чу хьуну?



→ Ялугълай, я къалакълай  
Утгара дурсса хъхурдал  
Нитгил итгав къалакълай  
Ттангъри дурну дур ххютал...

Агъ, бавай, ххира бавай!  
Силул хъуну дур чантГив:  
Духъунссия лигъавай,  
На чув ливчун урвав тГий.

Чагъарданул касакрай  
На къачивчу ххаругу  
Багъну бур ненттабакрайх  
Жигдатрурдал шаруну...

\*\*\*

Цаннивав кЮрххила  
дакI рахIат шайсса,  
Квива мурхъ ххал хъувкун  
щюлли маршайсса?  
Ци бурвав, учара, бювхъу чинардал,  
Хъхъу ва къини буслай,  
къуртал къашайсса?

ЦачIу бур чинарду – ччинал ябитан,  
Мяшсса ттуллив цал-цал  
микIлачIай иман:  
Балики, учара, цачIу бунугу,  
Цаннил чIу кIамунин къабаллай бикIан.

### Жула ччаврил бусала

Вин дакIний бурил, ххирай,  
Щюлли къурух жува най?  
Ххяххун бур тIар кIива мурхъ  
Жува бавцIусса кIанай.  
Тти жува къакъларчагу,  
ЦачIун биян къахъанай,  
Ххяххун бур тIар кIива мурхъ  
Жува бавцIусса кIанай.  
ЧIаврду ятIулсса гивчгу  
Бур тIар мурхъирдай мударн, –  
ЦачIун биян къавхъунал,  
Бивттуну, ца-ца букан.

ДакIний бурил гъинтнил кавс  
Зурул хъхъинякIсса ччаннай?  
Хъякунни тIар шараши  
Жува шябивкIсса кIанай.  
Тти жува къуманугу,  
ДакIру аьч дан къахъанай,  
Хъякунни тIар шараши  
Жува шябивкIсса кIанай.

Мукъаяр марцIсса шингу  
Къявхъ тIий дур тIар аьршлува, –  
Мякълил хъазам ччувчунал  
Ца-ца нахIала буван.

\*\*\*

КЮрххил даврийн ачайни,  
ДагъантучIа авцIусса,  
Ца зурзу кунни дакIнил –  
Цирвавли ттун ххал хъусса?

ИлтIа хъуну, лирцIуну,  
МарцI хъуну дур ттул лажин,  
МарцIних чирчусса кунна  
Ттувусса буттал лажин!

ЧIайсса иттацIанттугу –  
ЧIаллу кунна, хъалтасса,  
НякIну-щюлли яругу –  
Пашманнугу, тяхъасса...

Агъ, ца ссихIгу гъа хъунни  
Дагъантуйх ттурлу дакъин,  
Ттуруллавух баргъ кунма,  
Дарчунни буттал лажин.

Чарив най ур, шукъгу тIий,  
ЧатIуа аьсав дурну:  
Аьршия, щюлли къурья  
Буттал шалвагу оьрму.  
Къалавгссия ттул бутта  
Я Парижлив, я хIажлийн,  
Амма ччинахъ мяш чинну  
МарцIссия буттал лажин...

Нарив нажагъ-я ттинин  
Чири чартIи бувайсса,  
Нажагъ-я, лажин марцI дан,  
Чила канил дургъусса...



Агъ, цукун чIалай дурвав  
ЧIаххув-чIаравнал янин  
ЯхI кунна, ттун къариртсса  
Ттул ххира буттал лажин?!

### БивкIулуцасса бьст-ччал

#### НАЗМУРДАЛ КЪЮМАЙЛУВА

1

Вай цуксса личIлулсса хIурматрур ттуха,  
Нания личIисса гьунар-за къабав?  
Архмигу, гъанмигу шанчIа бурхха,  
О-гъай, ахирдагу хъанай дакъарвав?

Къюкъала! Гъарцаннал бурчIилун агъну,  
Зурзу бюкълай ура, зунчаву куна:  
«Заннахуча, хIакин, – тIий ура лагъну, –  
Я къуртал ува на, ягу изан а...»

2

Бунни ца ххалаххи – ларсунни ттул жан...  
Шанавун, цIаннавун дюркъунни духIин...  
Вана ттир бучIисса нагу ххяуккан,  
Ххюттулийсса къурхъру чIиллух ттирихIин.

Баллай бурил, шарсσαι? Ца игъ мачара,  
Му нузах дунугу мусиватрал ххукI...  
Вил пикри вев тIурча – архсса цаннайра,  
ВичIилий пахъ дагъну дацIантIиссар къюкI.

3

Зувиллий шанна хъхур я къалавкъуну...  
Ттигу къалакъинна титIин къахъунну...  
Къювугу, ссавургу къащул дургъуну,  
На къянкъа даннача – ина чул бува,  
ЧантI чайхту, ялагу буссару жува.

Ялун малахIларда, гъавгъсса мурхъ кунма:  
Яхъанан аьркинссар зумув рухI дума...  
ХIатталлил дянивсса мурхъирдайгума  
Булбул-челму буссар шадну щотIа тIий...  
Хъхъирийгу абадессар ттул бюхттул щатIив.

### Ттуруллив

Ттуруллив... Ттуруллив, хъару куклусса,  
Хъазамгу гъаз бувну, хъирив ябитан...  
Щукру инсантурал итгав макъ дусса,  
Вирххулуд кIунтIашал чIаврайх экъигъан;  
Щукру инсантурал хиялгу бусса,  
ТачIав къабулунсса мурадрийн биян.

Ттуруллив, ттуруллив... Ххияллал ссурвал,  
ЦичIав бунагъ бакъар ца-цал зух урган,

Цуксса кIу арчагу кIусса щугълурдал,  
ЩичIав къалайкъну тIий  
бакI хъхъичIун рутан;  
Къисмат къуртал хъанай, къус ивкIсса чIумал,  
Бигъа бакъану тIий лажин гъаз дуван.

\*\*\*

– Валагъ, вокзал хханссар ва азархана:  
Кув тахлий, кув кIантгуй – чашну бур циняв.  
Бусила, чIаххувчу, ина ци банна:  
Чаннал вагон ччавкъай, цаннай ачиннав?

– Вокзаллив? – увкунни кIяла ссирссилгтал, –  
Вингу ца госпиталь ккаккан бакъаяв!  
Инава бусила, ци тIар иширгтал:  
Аьрайн занахъуннав, махъунай гъаннав?

\*\*\*

КIачIисса мурхъирдай  
ХъятIий бур къупру,  
Къурдарав, маршруаву –  
Щюлли зумрутру.  
Дахъва загъир шайхту  
Щюлли мурчал ссихI,  
Щарашул чяр-чяргу  
ХъунтIиссар пасихI...


Зунттал бюхттул бувсса  
Ва билаятрай,  
БучIанмуних мякъсса  
Вай интнил гъантрай,  
Увну ура нагу,  
Ххира уссурвал,  
Умудру бачIайсса  
ЧIумул сий дуван.

Мунияту дурвав  
Ва ттул дакIниву  
Инт кунна аьчухсса  
Щюлли-някIшиву?  
Мунияту бурвав  
Асардаву  
Интнишал итхъавхсса  
Аьтаргтал гюргу?

Чивисса оьрчI куна,  
Лавай ургара,  
Къартлуйсса чIелмуллухъ  
«Бурав?» учара.  
ЧIаххуврал къариша  
КъупIа увцуну,  
Ххира-ххуй увара,  
Ппайгу увкуну.


БикIувча интнил ссихI  
Ттул сиппатраву,  
Интнил кIукIлушиву –  
Ихтилатраву,  
Мунийну инсантал  
Ххари бан хъурча,  
Бахттикарда учин  
Хъунссия ттуца.

Адабиятфал  
лажин



Фотосуратирттайнусса жула тарих

# Ттул Гьуйми



Цүвцүчарил карамат




Дуклаки оьрчру. Урчлах учитель Айгунов Бутта (ш. Ххут). 1946 ш.



103 шинавусса Ккукка-бава. 1993 ш.




Махлмамд-апанни



Гьуйннал хлатталлийсса Махлмамд-апаннинал зиярат

Фотосуратирттайнусса жула тарих



Къатрал хьуллул ялувсса члалачин



Уссурвал Абдуллаевхьул. 1937 ш.




Абдулхамидовхьул. 1936 ш.



М. Исмяилов



Аб. Исмяилов



Ванати



Буттал шяраву. 1958 ш.



Бухарнаву. 1964 ш.




М. Авдулхамидов



Щарашул-Къанив. 1950 ш.



Ца тухумрал агьлу. 1938 ш.



С. Набиев



Чаххул – гьуйми ва караш



Буттал шяравун нани ххуллий





